

Ke lebetse 'password' ya ka ya eFiling

Re ananela hore o faela lekgetho la hao hang feela ka selemo mme kahoo ho bonolo ho lebala "password ya hao. Jwale ebang o lebetse 'password' ya hao ya eFiling, thuso e nngwe ke ena. Ho bonolo, o ka etsa sena onlaeneng kapa ka mohala, ikgethele.

Onlaeneng ka tshebediso ya websaete ya eFiling

Leba websaeteng ya SARS mme o tobetse hodima [Forgot Password](#) kapa [Forgot Username](#) mme o latele ditataisi hore o tehe botjha 'password' ya hao kapa 'username' eo o e rometsweng dintlheng tsa hao tsa boikopanyi tseo e leng sephiri.

Ho teha botjha 'Username' le 'Password' ho [eFiling](#) o hloka ho fumana 'Username' ya hao pele, pele o ka teha botjha 'Password' ya hao:

- Kgetha 'Forgot Username?'
- Tlatsa lesedi le amehang mme o latele ditataisi.
- O tla koptjwa ho iketsetsa 'Password' ka mora ho fumana 'Username' ya hao.

Hlokomela ditlhoko tsa 'password' ya eFiling:

- Di kentse bonnyane ba ditshupi tse 8
- Kenya bonnyane e le nngwe ya tlhaku e kgolo, ya tlhaku e nnyane, le nomoro le sesupi se ikgethang
- Se akaretse lesedi la hao le kang (lebitso / sefane / aterese ya imeile / username);
- Se akaretse ditshupi te kang ("aaaaa" kapa "12345" jwalo jwalo).

Hlokomela: Balefalekgetho ba ka ntjhafatsa dintlha ta bona tsa Boikopanyi ba Tshireletso ho eFiling ntle le ho kena. Ha ho etswa kopo ya ho ntjhafatswa ha dintlha tsena ho tswa boikgethelong ba [pre-login option](#), nnetefatso ya sefahleho e tla sebetsa ho nnetefatsa boitsebiso ba mosebedisi. Sena se nnetefatsa hore dintjhafatso tsena di feela di dumelletswa le ho sebediswa ke mosebedisi ya nepahetseng wa eFiling. Hodima moo, kgokanyo ena e ntjha e potlakang e tla thusa balefalekgetho ba nang le mathata a ho fumana OTP.

Ho SARS MobiApp

Ho SARS Mobile Application, thetsa 'Forgot Password'. Sena se tla hlahisa leqephe la 'Forgot Password'. Tlatsa 'username' ya hao mme o thetse 'Next'.

Sena se tla o lebisa leqepheng la dintlha tsa boikopanyi tsa OTP. Ikgethele kanale eo o e ratang mme o thetse 'Send OTP'. O tla romellwa OTP ho latela kanale eo o ikgethetseng yona. Sesebediswa sa hao se tla o kopa ho kenya OTP eo o e rometsweng ho latela kanale eo o ikgethetseng yona. Kenya OTP jwalokaha o kopilwe mme o thetse "Submit".

Ha o se o qetile, o tla bona sekerini se tla o kgontsha ho kenya 'password' ya hao e ntjha. Kenya 'password' ya hao e ntjha dikgeong tse behilweng pele o thetse "Submit".

Nnetefatso e Habedi mmoho le Nnetefatso e sa Hlokgeng Password

Nnetefatso e Habedi mmoho le Nnetefatso e sa Hlokgeng Password ke mofuta o motjha wa tshireletso ya tlatsetso o dumellang mosebedisi wa eFiling ho fihlella profaele ya hae ya eFiling ka tsela ya 'push notification' ho leba sesebedisweng sa hao sa mahlale (smart device):

- Nnetefatso e Habedi: E dumella mosebedisi ho fihlella profaele ya hae ya eFiling ka tshebediso ya 'username', 'password' tsa hae ka se bitswang 'push notification' tse rometsweng ho SARS Mobile Application, ho leba sesebedisweng sa hao sa mahlale (smart device):
- Nnetefatso e sa Hlokgeng Password: E dumella mosebedisi ho fihlella profaele ya hae ya eFiling ka tshebediso ya 'username', 'password' tsa hae ka se bitswang 'push notification' tse rometsweng ho SARS Mobile Application, ho leba sesebedisweng sa hao sa mahlale (smart device):

Ka kopo hlokomela, ho sebedisa mofuta ona wa tshireletso o lokela ho nnetefatsa hore:

- Ho kenngwa 'SARS Mobile Application' sesebedisweng sa hao sa mahlale le hore
- Sesebediswa sa hao sa mahlale ke sona sa mantlha profaeleng ya hao ya eFiling.

O hloka thuso?

Ebang o hloka thuso mabapi le tsela ya ho boela o fumana 'username' le 'password' tsa hao ho SARS eFiling, boha video ya rona e o rutang sena kanaleng ya rona ya SARS YouTube ka ho tobetsa hodima setshwantsho sena se ka tlase.

